

հեա՛ զսոսա ամենազաւր աջովդ քո, պարսպեա՛ զսոսա ամրութեամբ սուրբ Զոգւոյդ քո, մխիթարեա՛ զսոսա ուրախութեամբ բանի քո. զխաղաղութիւն քո տո՛ւր սոցա եւ ածեցո՛ ի սոսա զշնորհսն»:

19 Եւ այսպէս աւրինեալք զերանելի կապեալսն եւ հզաւր ամենակալին յանձնեալ՝ ասեն. «Նա պահեսցէ զձեզ ողջս, եւ Զոգւովն իւրով սրբով մխիթարեսցէ զձեզ հանապագ: 20 Եւ դուք մի՛ տրտմիք, այլ ուրախութեամբ ուրախ լերուք յայն որ ասացն, թէ *Ոչ թորից զձեզ որքս. զամ, ասե առ ձեզ*^ա. որ եկեալ իսկ է եւ է ի միջի ձերում. որ արձակէ զձեզ ի կապանացոյ յորում էքդ¹, եւ պահեսցէ զձեզ յուսով աւգնականութեան իւրոյ եւ տայ ասել ձեզ համարձակածայն պարծանաւք, թէ *Վասն քո մեռանիմք զաւրհանապագ. համարեցաք որպէս զոչխար*² ի սպանդ^ա: 21 Եւ ամենատերն խորտակէ զսատանայ ի ներքոյ ոտից ձերոց, երեւելիս եւ պայծառս ցուցցէ զձեզ ի մէջ ազգիս ամբարշտի, եւ³ դարձուցէ զձեզ ի յերկիր ձեր: 22 Պահեսցէ զտունս ձեր, սնուցցէ զտղայս ձեր, ժառանգեցուցէ զաւակի ձերում զվիճակ հարց իւրեանց. նմա փառք եւ այժմ եւ յամենայն յաւիտեանս. ամէն»:

23 Եւ կատարեալ սրբոյն Ղեւոնդի զբանս վարդապետութեան եւ մխիթարութեանս այսորիկ՝ ըստ հրամանին սրբոյն Յովսէփայ⁴ եւ սրբոյն Սահակայ, որոց եւ սոցա աւրինեալ զերանելի նախարարսն եւ զայլ ժողովեալսն ընդ նոսա՝ յանձնեցին զամենեսեան սրբոյ Երրորդութեանն, եւ կատարեցին զաղաւթս: 24 Եւ եղել ամենայն անձն երանելի կապելոցն նախարարացն որպէս զանձինս այնոցիկ, որք ժողովեալ էին ի վերնատունն եւ բնակէին ընդ սուրբ առաքեալսն, լցեալք սուրբ Զոգւոյն շնորհիւ, քաջալերեալք եւ ապաւինեալք ի յոյսն երկնաւոր:

ԾԲ. Եւ մինչդեռ ուրախացեալ ցնծայր ամենայն խոհարան լսողացն, որպէս բազմախորտիկս անուշահոտ ճաշակաւք, հոգեշնորհ վարդապետութեամբ առաքելանման վարդապետացն՝ զային հասանէին յանկարծակի բազմութիւնք դահճացն յամբարապետէն, ջահիւք բազմաւք սաստկապէս լուցելովք. քանզի ըստ անանց եւ անփոփոխ ձայնարձակութեան յաստուածային հրամանատուութենէն⁵ թռչնոյ՝ ժամ էր այնուհետեւ հաւուն խաւսելոյ. ունելով ընդ ինքեանս բազմութիւն դարբնաց գործուվք⁶ արուեստաւորու-

^ա Յովի. ԺԴ 18

¹ Ատ. յորում էքք

² Ձ. որպէս զոչխարս

^ա Զոմ. Ը 36

³ ՁԱտ. չիք եւ

⁴ ԲԳտ. այստեղ եւ յետոյ՝ Յովսէփայ

⁵ Ձ. հրամանատուութենէն

⁶ Ձ. գործովք